

官常典第五百五十三卷

節使部名臣列傳五

宋二 劉道產

按宋書本傳道產彭城呂人太尉咨議參軍簡之子也簡之事在弟子康祖傳道產初爲輔國參軍無錫令在縣有能名高祖版爲中軍行參軍又爲道憐驃騎參軍襲父爵晉安縣五等侯廣州羣盜因刺史謝道欣死爲寇攻沒州城道憐加道產振武將軍南討曾始興謙之已平廣州道產未至而反元年除寧遠將軍巴西梓潼二郡太守郡人黃公生任肅之張石之等並護縱餘燼與姻親侯覽羅奧等招引白水氏規欲爲亂道產誅公生等二十一家宥其餘黨還爲彭城王義康驃騎中兵參軍元嘉三年督梁南秦二州諸軍事寧遠將軍西戎校尉梁南秦二州刺史在州有惠化關中流民前後出漢川歸之者甚多六年道產表置隴西宋康二郡以領之七年徵爲後軍將軍明年遷竟陵王義宣左將軍咨議參軍仍爲持節督離梁南秦三州荊州之南陽竟陵順陽襄陽新野隨六郡諸軍事寧遠將軍寧蠻校尉離州刺史襄陽太守善於臨民在離部政績尤著蠻夷前後叛戾不受化

者並皆順服悉出緣沔爲居百姓樂業民戶豐贍由此有襄陽樂歌自道產始也十三年進號輔國將軍十九年卒追贈征南將軍諡曰襄侯道產惠澤被於西土及喪還諸蠻皆備衰經號哭追送至於沔口荊州刺史衡陽王義季啟太祖曰故輔國將軍劉道產患背癰疾遂不救道產自鎮漢南境接凶寇政績既著威懷兼舉年時猶可方宣其用奄至殞沒傷怨特深伏惟聖懷愍惜兼至長子延孫別有傳

朱脩之

按宋書本傳脩之字恭祖義興平氏人也曾祖燾晉平西將軍祖序豫州刺史父謨益州刺史脩之自州主簿遷司徒從事中郎文帝謂曰卿曾祖昔爲王導丞相中郎卿今又爲王弘中郎可謂不忝爾祖矣後隨到彥之北伐彥之自河南回留脩之戍滑臺爲鹵所圍數月糧盡將士熏鼠食之遂陷於魏初脩之母聞其被圍既久常憂之忽一旦乳汁驚出母號泣告家人曰吾今已老忽復有乳汁斯不祥矣吾兒其不利乎後問至脩之果以此日陷沒拓跋燾嘉其守節以爲侍中妻以宗室女脩之潛謀南歸妻疑之每流涕問其意脩之嘉其義竟不告也後鮮卑馮弘稱燕王治黃龍城拓跋燾

伐之脩之與同沒人邢懷明並從又有徐卓者復欲率南人竊發事泄被誅脩之懷明懼奔馮弘弘不禮留一年會宋使傳詔至脩之名位素顯傳詔見卽拜之彼國敬傳詔謂爲天子邊人見其致敬於脩之乃始加禮時魏屢伐弘或說弘遣脩之歸求救遂遣之泛海至東萊遇猛風柁折垂以長索船乃復正海師望見飛鳥知其近岸須臾至東萊元嘉九年至京邑以爲黃門侍郎累遷江夏內史雍州刺史劉道產卒羣蠻大動脩之爲征西司馬討蠻失利孝武初爲寧蠻校尉雍州刺史加都督脩之在政寬簡士衆悅附及荊州刺史南郡王義宣反檄脩之舉兵脩之僞與之同而遣使陳誠於帝帝嘉之以爲荊州刺史加都督義宣聞脩之不與己同乃以魯秀爲雍州刺史擊襄陽脩之命斷馬鞍山道秀不得前乃退及義宣敗於梁山單舟南走脩之率衆南定遺寇時竺超民執義宣脩之至乃殺之以功封南昌縣侯脩之治身清約凡所贈貶一無所受有餉或受之而旋與佐吏賄之終不入己惟以撫納羣蠻爲務徵爲左民尙書轉領軍將軍去鎮秋毫不犯計在州然油及牛馬穀草以私錢十六萬償之然性儉尅少恩情姊在鄉里饑寒不立脩之未嘗供贍嘗往視姊姊欲激之爲設菜羹麤飢脩之曰此乃貧家好食致飽而去先是新野庾彥達爲益州刺史攜姊之鎮分祿秩之

古今圖書集成
半以供贍之西土稱焉脩之後墜車折腳辭尙書領崇憲太僕仍加特進金紫光祿大夫以脚疾不堪獨行特給扶持卒贈侍中特進如故諡貞侯

劉秀之

按宋書本傳秀之字道寶東莞莒人司徒劉穆之從兄子也世居京口祖爽尙書都官郎山陰令父仲道高祖克京城以補建武參軍與孟昶留守事定以爲餘姚令卒官秀之少孤貧有志操十許歲時與諸兒戲於前渚忽有大蛇來勢甚猛莫不顛沛驚呼秀之獨不動衆並異焉東海何承天雅相知器以女妻之兄欽之爲朱齡石右軍參軍隨齡石敗沒秀之哀戚不歡宴者十年景平二年除駙馬都尉奉朝請家貧求爲廣陵郡丞仍除撫軍江夏王義恭平北彭城王義康行參軍出爲無錫陽羨烏程令並著能名元嘉十六年遷建康令除尙書中兵郎重除建康性纖密善糾摘微隱政甚有聲吏部尙書沈演之每稱之於太祖世祖鎮襄陽以爲撫軍錄事參軍襄陽令襄陽有六門堰良田數千頃堰久決壞公私廢業世祖遣秀之修復雍部由是大豐改領廣平太守二十五年除督梁南北秦三州諸軍事監遠將軍西戎校尉梁南秦二州刺史時漢川饑饉境內騷然秀之善於爲政躬

自儉約先是漢川悉以絹爲貨秀之限令用錢百姓至今受其利二十七年大舉北伐遣輔國將軍楊文德巴西梓潼二郡太守劉弘宗受秀之節度震蕩併隴秀之遣建武將軍錫千秋二千人向子午谷南口府司馬竺宗之三千人向駱谷南口威遠將軍梁尋千人向斜谷南口氐賊楊高爲寇秀之討之斬高兄弟元凶弑逆秀之聞問卽日起兵求率衆赴襄陽司空南譙王義宣不許事寧遷使持節督益寧二州諸軍事寧朔將軍益州刺史折留俸祿二百八十萬付梁州鎮庫此外蕭然梁益二州土境豐富前後刺史莫不營聚蓄多者致萬金所攜資寮並京邑貧士出爲郡縣皆以苟得自資秀之爲治整肅以身率下遠近安悅焉南譙王義宣據荊州爲逆遣參軍王曜徵兵於秀之秀之卽日斬曜戒嚴遣中兵參軍韋山松萬人襲江陵峽出竺超民遣將席天生逆之山松一戰卽梟其首進至江陵爲魯爽所敗山松見殺其年進號征鹵將軍改督爲監持節刺史如故以起義功封康樂縣侯食邑六百戶明年遷監郢州諸軍事郢州刺史將軍如故未就大明元年徵爲右衛將軍明年遷丹陽尹先是秀之從叔穆之爲丹陽與子弟於廳事上飲宴秀之亦與焉廳事柱有一穿穆之謂子弟及秀之曰汝等試以栗遙擲此柱若能入穿後必得此郡穆之諸子並不能中唯秀之獨入

焉時賒市百姓物不還錢市道嗟怨秀之以爲非宜陳之甚切雖納其言竟不從用廣陵王誕爲逆秀之入守東城其年遷尙書右僕射四年改定制令疑民殺長史科議者謂值赦宜加徙送秀之以爲律文雖不顯民殺官長之旨若值赦但止徙送便與悠悠殺人曾無一異民敬官長比之父母行害之身雖遇赦謂宜長付尙方窮其天命家口令補兵從之明年領太子右衛率五年雍州刺史海陵王休茂反爲土人所誅遣秀之以本官慰勞分別善惡事畢還都出爲使持節散騎常侍都督雍梁南北秦四州郢州之竟陵隨二郡諸軍事安北將軍寧蠻校尉雍州刺史上車駕幸新亭視秀之發引將徵爲左僕射事未行八年卒時年六十八上甚痛惜之詔曰秀之識局明遠才應通暢誠著蕃朝績宣累嶽往歲臣逆交構首義萬里及職司端尹贊戎兩宮嘉謀徽譽實彰朝野漢南法繁民嫌屬佇良牧故慙輟心膂外弘風規出未踰朞德庇西服詳考古烈旅觀終始淳心忠槩無以尙茲方式亮皇猷入衛根本奄至薨逝震慟於朕心生榮之典未窮寵數哀終之禮宜盡崇飾兼履謙守勗封社弗廣興言悼往益增痛恨可贈侍中司空持節都督刺史校尉如故并增封邑爲千戶諡爲自勵

諡之野率無風采而心力堅正上以其莅官清潔家無餘財賜錢二十萬布三百疋子景遠

嗣

陸徽

按宋書良吏傳徽字休猷吳郡吳人也郡辟命主簿仍除衛軍車騎二府參軍揚州主簿王弘衛將軍主簿除尚書都官郎出補建康令清平無私爲太祖所善遷司徒左西掾元嘉十四年爲始興太守明年仍除使持節交廣二州諸軍事綏遠將軍平越中郎將廣州刺史清名亞王鎮之爲士民所愛詠上表薦士曰臣聞陵雪褒穎貞柯必振尊風賞流清原斯挹是以衣囊揮譽於西京折轅延高於東帝伏見廣州別駕從事史朱萬嗣年五十三字少豫理業冲夷秉操純白行稱私庭能著官政雖氏非世祿宦無通資而隨牒南服位極僚首九綜州綱三端府職頻掌蕃機屢績符守年暨知命廉尚愈高冰心與貪流爭激霜情與晚節彌茂歷宰金山家無寶鏤之飾連組珠海室靡瑤珥之珍确然守志不求聞達實足以澄革汙吏洗鏡貪氓臣謬忝司牧任專萬里雖情祇慎擢才闕毫露敢聲愚陋舉其所知如得提名禮闈抗迹朝省搏嶺表之清風負永宇之潔望則恩融一臣而施光萬物敢緣天澤雲行時德雨施每甄外州榮加遠國是以獻其謦言希垂聽覽二十一年徵以爲南平

王鑠冠軍司馬長沙內史行湘州府事母憂去職張尋趙廣爲亂於益州兵寇之餘政荒民擾二十三年乃追徵爲持節督益寧二州諸軍事寧朔將軍益州刺史隱卹有方威惠兼著寇盜靜息民物殷阜蜀土安說至今稱之二十九年卒時年六十二身亡之日家無餘財太祖甚痛惜之詔曰徽厲志廉潔歷任恪勤奉公盡誠克己無倦褒榮未申不幸夙殞言念在懷以爲傷恨可贈輔國將軍本官如故賜錢十萬米二百斛諡曰簡子子叡

申恬

按宋書本傳恬字公休魏郡魏人也曾祖鍾爲石虎司徒高祖平廣固恬父宣宣從父兄永皆得歸國並以幹用見知永歷青兗二州刺史高祖踐祚拜大中大夫宣太祖元嘉初亦歷青兗二州刺史恬兄謨與朱修之守滑臺爲鹵所沒後得叛還元嘉中爲竟陵太守恬初爲驃騎道憐長兼參軍高祖踐祚拜東宮殿中將軍度還臺直省十載不請休息轉員外散騎侍郎出爲綏遠將軍下邳太守轉在北海加寧遠將軍所至皆有政績又爲北譙梁二郡太守將軍如故郡境邊接任榛屢被寇抄恬到密知賊來仍伏兵要害出其不意悉皆禽殄元嘉十二年遷督魯東平濟北三郡軍事太山太

守將軍如故威惠兼著吏民便之臨川王義慶鎮江陵爲平西中兵參軍河東太守衡陽王義季代義慶又度安西府加寧朔將軍召拜太子屯騎校尉母憂去職二十一年冀州移鎮歷下以恬督冀州青州之濟南樂安太原三郡諸軍事揚烈將軍冀州刺史明年加濟南太守時又遷換諸郡守恬上表曰伏聞朝恩當加臣濟南太守仰惟優旨荒心散越臣殃咎之餘遭蒙踰忝寵私罔已復兼今授豈其愚迷所能上答臣近至止卽履行所統究其形宜河濟之間應置戍并其中四處急須修立瓮口故城又是要所宜移太原委以邊事緣山諸邏並得除省防衛綏懷利便非一呂綽誠效益著深同臣意百姓聞者咸皆附說急有同異二三未宜但房紹之蒞郡經年軍民粗狎改以帶臣有乖承事遠牽太原於民爲苦而瓮口之計復成交互人情非樂容有不安疆場威刑患不開廣若得依先處分公私允緝上從之詔有司曰恬所陳當是事宜近諸除授可悉停北鹵入寇恬摧擊之爲鹵所破被徵還都二十七年起爲通直常侍是歲索鹵南寇其武昌王向青州遣恬援東陽因與輔國司馬齊郡太守龐秀之保城固守蕭斌遣青州別駕解榮之率垣護之還援恬等仍傍南山得入賊朝來脅城日晚輒退城內乃出車北門外環塹爲營欲挑戰賊不敢逼停五日東過抄略清河郡及

驛道南數千家從東莞莞出下邳下邳太守垣闔閉城拒守保全二千餘家闔退以恬爲靈朔將軍山陽太守善於治民所蒞有績世祖踐阼遷青州刺史將軍如故尋加督徐州之東莞東安二郡諸軍事明年又督冀州齊地連歲興兵百姓凋弊恬初防衛邊境勸課農桑二三年間遂皆優實性清約頻處州郡妻子不免飢寒世以此稱之進號輔國將軍孝建二年遷督豫州軍事靈朔將軍豫州刺史明年疾病徵還於道卒時年六十九死之日家無遺財子寔

杜驥

按宋書本傳驥字度世京兆杜陵人也高祖預晉征南將軍曾祖耽避難河西因仕張氏苻堅平涼州父祖始還關中兄坦頗涉史傳高祖征長安席卷隨從南還太祖元嘉中任遇甚厚歷後軍將軍龍驤將軍青冀二州刺史南平王鐔右將軍司馬晚度北入朝廷常以儉燕遇之雖復人才可施每爲清塗所隔坦以此慨然嘗與太祖言及史籍上曰金日磾忠孝淳深漢朝莫及恨今世無復如此輩人坦曰日磾之美誠如聖詔假使生乎今世養馬不暇豈辦見知上變色曰卿何量朝廷之薄也坦曰請以臣言之臣本中華高族亡曾祖晉氏喪亂播遷涼土世業相承不殞其舊直以南度不早

便以荒倉賜隔日礪胡人身爲牧圉便超入內侍齒列名賢聖朝雖復拔才臣恐未必能也上嘿然
北土舊法問疾必遣子弟驥年十三父使候同郡韋華華子元有高名見而異之以女妻焉桂陽公
義真鎮長安辟爲州主簿後爲義真車騎行參軍員外散騎侍郎江夏王義恭撫軍刑獄參軍尙書
都官郎長沙王義欣後軍錄事參軍元嘉七年隨到彥之入河南加建武將軍索齒撤河南戍悉歸
河北彥之使驥守洛陽洛陽城不治旣久又無糧食及彥之敗退驥欲棄城走慮爲太祖所誅初高
祖平西洛致鐘簴舊器南還一大鐘墜洛水至是太祖遣將姚聳夫領千五百人迎致之時聳夫政
率所領牽鐘於洛水驥乃誑之曰齒旣南渡洛城勢弱今修理城池並已堅固軍糧又足所乏者人
耳君率衆見就共守此城大功旣立取鐘無晚聳夫信之率所領就驥旣至見城不可守又無糧食
於是引衆去驥亦委城南奔白太祖曰本欲以死固守姚聳夫及城便走人情沮敗不可復禁上大
怒使建威將軍鄭順之殺聳夫於壽陽聳夫吳興武康人勇果有氣力宋世褊裨小將莫及始隨到
彥之北伐與齒遇聳夫手斬拓跋燾叔父英文特勒首燾以馬百匹贖之以驥爲通直郎射聲校尉
世祖征齒諮議參軍十七年出督青冀二州徐州之東莞東安二郡諸軍事寧遠將軍青冀二州刺

史在任八年惠化著於齊土自義熙至於宋末刺史唯羊穆之及驥爲吏民所稱詠二十四年徵左軍將軍兄坦代爲刺史北土以爲榮焉坦長子琬爲員外散騎侍郎太祖嘗有函詔敕坦琬輒開視信未發又追取之敕函已發大相推檢丞都答云諸郎開視上遣主書詰責驥答曰開函是臣第四子季文伏待刑坐上特原不問二十七年卒時年六十四長子長文

張永

按宋書張茂度傳茂度子永字景雲初爲郡主簿州從事轉司徒士曹參軍出補餘姚令入爲尙書中兵郎先是尙書中條制繁雜元嘉十八年欲加治撰徙永爲刪定郎掌其任二十二年除建康令所居皆有稱績又除廣陵王誕北中郎錄事參軍永涉獵書史能爲文章善隸書曉音律騎射雜藝觸類兼善又有巧思益爲太祖所知紙及墨皆自營造上每得永表啟輒執玩咨嗟自嘆供御者了不及也二十三年造華林園元武湖並使永監統凡諸制署皆受則於永徙爲江夏王義恭校尉中兵參軍越騎校尉振武將軍廣陵南沛二郡太守二十八年又除江夏王義恭驃騎中兵參軍沛郡如故永既有才能所在每盡心力太祖謂堪爲將二十九年以永督冀州青州之濟南樂安太原三

郡諸軍事揚威將軍冀州刺史督王元謨申坦等諸將經略河南攻礪礪城累旬不能拔其年八月
七日夜鹵開門燒樓及攻車士卒燒死及爲鹵所殺甚衆永卽夜徹圍退軍不報告諸將衆軍驚擾
爲鹵所乘死敗塗地永及申坦並爲統府撫軍將軍蕭思話所收繫於歷城獄太祖以屢征無功諸
將不可任責永等與思話詔曰鹵旣乘利方向盛冬若脫敢送死兄弟父子自共當之耳言及增憤
可以示張永申坦又與江夏王義恭書曰早知諸將輩如此恨不以白刃驅之今者悔何所及三十
年元凶弑立起永督青州之東安東莞二郡諸軍事輔國將軍青州刺史司空南譙王義宣起義又
板永爲督冀州青州之濟南安樂太原三郡諸軍事輔國將軍冀州刺史永遣司馬崔勳之中兵參
軍劉則二軍馳赴國難時蕭思話在彭城義宣慮二人不相諧緝與思話書勸與永坦懷又使永從
兄長史張暢與永書曰近有都信具汝刑網之原可謂雖在縲紲而復心無愧矣蕭公平厚先無嫌
隙見汝翰迹言不相傷何其滔滔稱人意邪當今世故艱迫義氣雲起方藉羣賢共康時難當遠慕
廉藺在公之德近效平勃忘私之美忽此簪弁尅申舊情公亦命蕭示以疎達兼令相執共遵此旨
事平召爲江夏王義恭大司馬從事中郎領中兵時使百僚獻讜言永以爲宜立諫官開不諱之路

講師旅示安不忘危世祖孝建元年臧質反遣永輔武昌王渾鎮京口其年出爲揚州別駕從事史
明年召入爲尚書左丞時將士休假年開三番紛紜道路永建議曰臣聞開兵從稼前王以之兼隙
耕戰遞勞先代以之經遠當今化靈萬里文同九服捐金走驥於焉自始伏見將士休假多蒙三番
程會既促裝赴在早故一歲之間四馳遙路或失遠春耕或違要秋登致使公替常儲家闕舊粟考
定利害宜加詳改愚謂交代之限以一年爲制使征士之念勞未及積遊農之望收功歲成斯則王
度無騫民業斯植矣從之大明元年遷黃門侍郎尋領虎賁中郎將本郡中正三年遷廷尉上謂之
曰卿旣與釋之同姓欲使天下須無冤民加靈朔將軍尚書吏部郎司徒右長史尋陽王子房冠軍
長史四年立明堂永以本官兼將作大匠事畢遷太子右衛率七年爲宣貴妃殷氏立廟復兼將作
大匠轉右衛將軍其年世祖南巡自宣城候道東入使永循行水路是歲旱塗逕不通上大怒免時
上寵子新安王子鸞爲南徐州刺史割吳郡度屬徐州八年起永爲別駕從事史其年召爲御史中
丞前廢帝永光元年出爲吳郡太守遷度支尚書太宗卽位除吏部尚書未拜會四方反叛復以爲
吳興太守加冠軍將軍假節未拜以將軍假節徙爲吳郡太守率軍東討又爲散騎常侍太子詹事

未拜遷使持節監青冀幽并四州諸軍事前將軍青冀二州刺史統諸將討徐州刺史薛安都累戰克捷破薛索兒等事在安都傳又遷散騎常侍鎮軍將軍太子詹事權領徐州刺史又都督徐兗青冀四州諸軍事又爲使持節都督南兗徐二州諸軍事南兗州刺史常侍將軍如故時薛安都據彭城請降而誠心不款太宗遣永興沈攸之以重兵迎之加督前鋒軍事進軍彭城安都招引北魏之兵旣至士卒離散永狼狽引軍還爲鹵所追大敗復值寒雪士卒離散永脚指斷落僅以身免失其第四子三年徙都督會稽東陽臨海永嘉新安五郡諸軍事會稽太守將軍如故以北討失律固求自貶降號左將軍永痛悼所失之子有兼常哀服制雖除猶立靈座飲食衣服待之如生每出行常別具名車好馬號曰侍從有事輒語左右報郎君以破薛索兒功封孝昌縣侯食邑千戶在會稽賓客有謝方童等坐臧下獄死永又降號冠軍將軍四年遷使持節督雍梁南北秦四州郢之竟陵隨二郡諸軍事右將軍雍州刺史永拜停爲太子詹事加散騎常侍本州大中正六年又加護軍將軍領石頭戍事給鼓吹一部七年遷金紫光祿大夫尋復領護軍後廢帝卽位進右光祿大夫加侍中領安成王師加親信二十人又領本州中正出爲吳郡太守秩中二千石侍中右光祿如故元徽二

年遷使持節都督南兗徐青冀益五州諸軍事征北將軍南兗州刺史侍中如故丞少便驅馳志在宣力年雖已老志氣未衰優游閑任意甚不樂及有此授喜悅非常卽日命駕還都未之鎮值桂陽王休範作亂丞率所領出屯白下休範至新亭大桁不守前鋒遂攻南掖門丞遣人覘賊旣返唱云臺城陷矣丞衆於此潰散丞亦棄軍奔走還先所住南苑以丞舊臣不加罪止免官削爵丞亦愧歎發病三年卒時年六十六順帝昇明二年追贈侍中右光祿大夫

蕭惠開

按宋書本傳惠開南蘭陵人征西將軍思話子也初名慧開後改慧爲惠少有風氣涉獵文史家雖貴戚而居服簡素初爲祕書郎著作並名家年少惠開意趣與人多不同比肩或三年不共語外祖光祿大夫沛郡劉成戒之曰汝恩戚家子當應將迎時俗緝外內之歡如汝自業將無少傷多異以取天下之疾患耶惠開曰人間宜相緝和甚如慈旨但不幸耿介恥見作凡人畫龍未成故遂至於多忤耳轉太子舍人與汝南周朗同官友善以偏奇相尙轉尙書水部郎始興王濬征北府主簿南徐州治中從事史徙汝陰王友又爲南徐州別駕中書侍郎江夏王義恭大將軍大司馬從事中郎